



REPUBLIKA E SHQIPËRISË  
UNIVERSITETI I MJEKËSISË, TIRANË  
BORDI I ADMINISTRIMIT

Nr. 2181/5 Prot.

Tiranë, më 05.10.2020

VENDIM

Nr. 36, datë 28.09.2020

**PËR MIRATIMIN E NJË NDRYSHIMI NË DOKUMENTACIONIN PËR ULJE TË  
TARIFËS SË SHKOLLIMIT, PËR STUDENTËT E CIKLIT TË DYTË, NË  
UNIVERSITETIN E MJEKËSISË, TIRANË,**

Në mbështetje të ligjit, nr.80/2015, "Për arsimin e lartë dhe kërkimin shkencor në institucionet publike të arsimit të lartë, në Republikën e Shqipërisë", neni 2, 3 dhe 4, Statutit të UMT-së, VKM-së nr.780, datë 26.12.2018 "Për përcaktimin e kategorive të individëve që plotësojnë kriteret për ulje të tarifës së vjetore të studimit në programet e ciklit të dytë të studimeve, në Institucionet Publike të Arsimit të Lartë", Vendimin Qarkullues nr.82, datë 22.09.2020 "Për miratimin e një ndryshimi në dokumentacionin për ulje të tarifës së shkollimit...", Bordi i Administrimit, pasi mori në shqyrtim materialin e Administratorit të UMT-së, nr.2064/2 prot, datë 23.09.2020 "Për një ndryshim në dokumentacionin për përjashtimin nga tarifa e shkollimit për studentët e ciklit të dytë",

**VENDOSI:**

1. Të miratojë ndryshimin e dokumentacionit të pikës 1 që studentët e ciklit të dytë, duhet të dorëzojnë për plotësimin e kriterit *Studentë me aftësi të kufizuar të vërtetuar me vendim të Komisionit Mjekësor të Caktimit të Aftësisë për Punë, student që nuk shikojnë (Verbër)/student tetraplegjik/ paraplegjike/student me aftësi të kufizuar*, për ulje (50)% nga tarifa vjetore e shkollimit. Dokumentacioni i kërkuar bashkëlidhur këtij vendimi.

2. Ky vendim hyn në fuqi menjëherë dhe ngarkohet Administratori i Universitetit të Mjekësisë, Tiranë për zbatimin dhe publikimin e tij në faqen zyrtare të UMT-së.

**KRYETARI**

**FLORIAN TOTI**





**KRITERET DHE DOKUMENTACIONI QË DUHET TË DORËZOJNË STUDENTËT QË STUDIOJNË NË NJË PROGRAM STUDIMI CIKLI I DYTË "MASTER PROFESIONAL" DHE "MASTER SHKENCOR" NË ZBATIM TË vkm NR.780, DATË 26.12.2018.**

*(Masa e përfitimit 50% e pagesës të tarifës vjetore të studimit)*

**1. Studentë me aftësi të kufizuar të vërtetuar me vendim të Komisionit Mjekësor të Caktimit të Aftësisë për Punë, student që nuk shikojnë (Verbër)/student tetraplegjik/ paraplegjike/student me aftësi të kufizuar.**

- a. Fotokopje të noterizuar të vërtetimit të KMCAP (Komisioni i Caktimit të Aftësisë për Punë) ose të KMPV (Komisioni i Caktimit të Verbërisë);
- b. Vërtetim origjinal nga njësia e vetëqeverisjes vendore për pagesën e verbërisë/ paaftësisë që merr studentit;
- c. Vërtetimi nga shoqata e të verbërve të Shqipërisë ose nga shoqata përkatëse n.q se ka;
- d. Fotokopje e noterizuar e Librezës së Verbërisë/Fotokopje e noterizuar e statusit të paraplegjik/ tetraplegjik; n.q.se ka
- e. Fotokopje e kartës së identitetit të studentit.

**2. Studentët fëmijë të personave/ familjes me aftësi të kufizuara, të vërtetuar me vendim të KMCAP-së për punë, familjet e të cilëve trajtohen/ përfitojnë nga ligji nr. 9355, datë 10.03.2005, "Për ndihmën dhe shërbimet shoqërore", të ndryshuar, ndihmë ekonomike të plotë apo të pjesshme nga njësitë e vetëqeverisjes vendore;**

- a. Kopje origjinale ose e noterizuar e vërtetimit të KMCAP-së (Komisioni i Caktimit të Aftësisë për Punë) për studentin me prindër me aftësi të kufizuar (invalid pune, invalid paraplegjik, invalid tetraplegjik);
- b. Vërtetim që lëshon shoqata e invalidëve të punës së rrethit përkatës së bashku me fotokopjen me vulë të njomë të Dëshmisë së Invalidit të Punës të përfituar sipas statusit të invalidit të punës;
- c. Vërtetim origjinal të institutit të sigurimeve shoqërore për pagesën e pensionit të invaliditetit;
- d. Vërtetim nga njësia e vetëqeverisjes vendore në lidhje me masën e ndihmës ekonomike që përfiton familja. Vërtetimi i ndihmës ekonomike duhet të ketë të shënuar numrin e dosjes dhe të jetë shënuar qartë shuma e ndihmës ekonomike (me shifra dhe me fjalë), si dhe masa e ndihmës ekonomike (e plotë ose e pjesshme). Vërtetimi duhet të jetë me numër protokolli, të jetë nënshkruar nga kryetari i njësisë së vetëqeverisjes vendore dhe të jetë i vulosur. Nuk pranohen vërtetime me korrigjime të pa firmosura nga personat përgjegjës dhe të pavulosura;



e. Çertifikatë Familjare që vërteton lidhjen e studentit me invalidin e punës/invalidin paraplegjik/tetraplegjik;

f. Fotokopje të kartës së identitetit të studentit dhe të prindit invalid.

**3. Studentët, familjet e të cilëve trajtohen/ përfitojnë ndihmë ekonomike të plotë apo të pjesshme nga njësitë bazë të vetëqeverisjes vendore,**

a. Çertifikatë Familjare që vërteton lidhjen e studentit me kryefamiljarin familja e të cilit përfiton ndihmë ekonomike të plotë apo të pjesshme nga njësitë e vetëqeverisjes vendore;

b. Vërtetim nga njësia e vetëqeverisjes vendore në lidhje me masën e ndihmës ekonomike që përfiton familja. Vërtetimi i ndihmës ekonomike të ketë të shënuar numrin e dosjes dhe të jetë shënuar qartë shuma e ndihmës ekonomike (me shifra dhe me fjalë), si dhe masa e ndihmës ekonomike (e plotë ose e pjesshme). Vërtetimi duhet të jetë me numër protokolli, të jetë nënshkruar nga kryetari i njësisë së vetëqeverisjes vendore dhe të jetë i vulosur. Nuk pranohen vërtetime me korrigjime të pafirmosura nga personat përgjegjës dhe të pavulosura;

c. Fotokopje të kartës së identitetit të studentit.

**4. Studentëve deri në moshën 25 vjeç, që kanë vetëm njërin nga prindërit, pasi prindi tjetër është ndarë nga jeta, me të ardhura vjetore të familjes të pamjaftueshme për përballimin e kostos së studimeve;**

a. Çertifikatë Familjare dhe fotokopje e kartës së identitetit;

b. Çertifikatë vdekjeje e prindit që u është ndarë nga jeta;

c. Vërtetime që vërtetojnë të ardhurat vjetore të familjes, si më poshtë:

1. Vërtetim nga njësia e vetëqeverisjes vendore që familja përfiton ndihmë ekonomike si familje në nevojë;

2. Vërtetim për pagën nga punedhësi për prindin që jeton.

2. Vërtetimi nga Drejtoria Rajonale e Tatimeve që asnjë nga familjarët e studentit (personat mbi 18 vjeç) nuk ushtrojnë aktivitet privat;

**5. Studentët që kanë përfituar statusin e jetimit, deri në moshën 25 vjeç;**

a. Çertifikatë Familjare;

b. Fotokopje e kartës së identitetit

c. Çertifikatën e vdekjes së dy prindërve;

d. Fotokopje e noterizuar e statusit të jetimit të përfitur nga Ministria e Mirëqënies Sociale dhe Rinisë.



**6. Studentët deri në moshën 25 vjeç, që kanë humbur kujdestarinë prindërore me vendim gjykate të formës së prerë**

- 1) Rasti kur studenti e ka humbur përgjegjesinë prindërore nga të dy prindërit;
  - a. Çertifikatë Familjare dhe fotokopje e kartës së identitetit;
  - b. Vendim gjykate i formës së prerë që studenti ka humbur përgjegjesinë prindërore (nga të dy prindërit) Kopje origjinale ose kopje e noterizuar e vendimit të gjykatës)

**6.1 Rasti kur studenti e ka humbur përgjegjesinë prindërore nga njeri prind dhe prindi tjetër nuk jeton**

- a. Çertifikatë Familjare dhe fotokopje e kartës së identitetit;
- b. Vendim gjykate i formës së prerë që studenti ka humbur përgjegjesinë prindërore (nga njeri prind) Kopje origjinale ose kopje e noterizuar e vendimit të gjykatës)
- c. Çertifikatë vdekjeje e prindit tjetër;

**7. Studentët deri në moshën 25 vjeç, që janë identifikuar si viktime të trafikut të qënieve njerëzore dhe kanë përfituar statusin ligjor për trajtim si viktime të trafikut të qënieve njerëzore;**

- a. Çertifikatë Familjare dhe fotokopje e kartës së identitetit;
- b. Vërtetim nga Ministria e Mirëqënies Sociale ose Ministria e Brëndshme që kanë përfituar statusin ligjor për trajtim si viktime të trafikut të qënieve njerëzore;

**8. Studentët fëmijë të punonjësve të Policisë së Shtetit, të Gardës së Republikës, të Shërbimit të Kontrollit të Brëndshëm, të Policisë së Mbrojtjes nga Zjarri dhe të Shpëtimit, të Forcave të Armatosura, të Shërbimit Informativ Shtetëror dhe të Policisë së Burgjeve, që kanë humbur jetën në krye dhe për shkak të detyrës, të konfirmuar nga ministria përgjegjëse për punët e brëndshme dhe ajo e mbrojtjes;**

- a. Çertifikatë Familjare dhe fotokopje e kartës së identitetit;
- b. Çertifikatë vdekjeje e prindit që ka humbur jetën në krye dhe për shkak të detyrës;
- c. Vërtetim konfirmimi nga Ministria përkatëse;

**9. Studentët romë dhe Ballkano-egjiptianë, konfirmuar si të tillë nga Ministria e Mirëqënies Sociale**

- a. Fotokopje e kartës së identitetit;
- b. Vërtetim antarësie në shoqatën përkatëse;
- c. Vërtetim konfirmimi nga Ministria përgjegjëse për mbrojtjen sociale;



**10 Studentët fëmijë të ish- të dënuarve dhe të përndjekurve politikë nga sistemi komunist ose fëmijë me prindër të dënuar politikë me heqje lirie;**

- a. Çertifikatë Familjare që vërteton lidhjen e studentit me prindin të ish- të dënuarve dhe të përndjekurve politike nga sistemi komunist ose fëmijë me prindër të dënuar politikë me heqje lirie;
- b. Vërtetim i statusit të prindit ish të përndjekur/ dënuar politik;
- c. Dëshmi penaliteti për prindin ish të përndjekur politik ose vërtetim për kohën e dënimit të lëshuar nga Ministria e Punëve të Brëndshme.

**11. Studentët e shkëlqyer që rezultojnë me notën mesatare 10 (dhjetë).**

- a-Studentët që fillojnë vitin e parë të ciklit të dytë të studimeve në institucionet publike të arsimit të lartë dhe që kanë përfunduar ciklin e parë të studimeve në institucionet publike të arsimit të lartë me notën mesatare vjetore 9 (nëntë) deri në 10 (dhjetë);
- b-Studentët që rezultojnë me notën mesatare vjetore 9 (nëntë) deri në 10 (dhjetë), të regjistruar në vitin e parë pas të parit dhe që kanë shlyer të gjitha detyrimet akademike të parashikuara për vitin akademik paraardhës.